

FIVAROTAN-TENA AMIN'NY ATERINETO

Tratra ilay ramatoa mpampiasa ireo tovovavy hivarotena

Tratra ilay ramatoa mpampiasa tovovavy hivarotena. Ramatoa iray 25 taona no manakarama vehivavy maromaro hivarotena anaty internet na aterineto. Tao amin'ny fi no nahitan'ireo vehivavy hiasa ao aminy ireo. Manana tranokalam-pifandraisana (site web) hifandraisana io Ramatoa io, ka ao izy no misera ireo vazaha mpanam-bola any ivelany ary mandefa ny sarimihetsik'ireo vehivavy mivantana amin'izay mandefa vola aminy. Ny vehivavy iray dia hahazoan' ity Ramatoa ity vola 1 800 000 Ar hatramin' ny 10 000 000 Ar satria voatery manao izay tian' ity vazaha atao ilay



Ilay ramatoa (afavoany) nampiasa tovovavy nivaro-tena.

tovovavy Malagasy, na tsy mifanaraka amin'ny hasin'ny maha olombelona azy intsony aza izany. Ireo tovovavy manao izany kosa milaza fa lehilahy 05 hatramin'ny 10 isan' andro eo no omen'izy ireo fahafinaretana, ka maharitra 15min hatramin'ny 30

min eo ny faharetany. Mitsy mifanaraka amin'ny hasin'ny maha olombelona azy intsony aza izany. 19 hatramin'ny 24 taona ny salan-taonan' ireto ankizivavy mpampanofa vatana ireto ary indroa isan-kerinandro ihany izy ireo no afaka mody any an-

tranony na dia mbola misy aza ny manohy ny fiananany. Misy farany avokoa anefa ny zava-drehetra, ka tra-tehaky ny Polisy avy ao amin'ny "Service des enquêtes spécialisées tetsy Ilafy ilay Ramatoa niaraka tamin'ny ankizivavy miisa 08. Tra- tra tao an-tranony ihany koa ireo fitaovana hifandraisana amin' ireo vahiny toy ny ordinateur isan-karazany sy modem maro samihafa ary ireo fitaovana hampiasain'ireo vehivavy toy ny sextoys. Efa nampidirina am-ponja vonjimaika any Antanimora ilay Ramatoa ary ireo tovovavy nampiasainy kosa dia efa tafaverina any an-tokantranony avy.

Stefa

Zandarimariam-pirenena

Nivory tamin'ny alalan'ny visioconférence ireo tompon'andraikitra eran'ny Nosy

Nivory tamin'ny alalan'ny visioconférence ireo tompon'andraikitra ao amin'ny Zandarimariam-pirenena manerana ny Nosy. Notanterahina afak'omaly izany fivoriana'ireo tompon'andraikitra ambony miisa 83 (Hauts et Grands reponsables) eo anivon'ny Zandarimariam-pirenena manerana ny nosy ireo izany. Nitarika ny Jeneraly Sekreteram-panjakana miadidy ny zandarimaria (SEG), sy ny Jeneraly Komandin'ny Zandarimariam-pirenena (COMGN), ary nandirindra ny fivoriana ny Jeneraly Mpandrindra ankapobeny ny asa ara-stratejika (CO-GAS). Niditra sy nifandray mivantana ihany koa ny Jeneraly Minisitry ny Fiarovam-pirenena teo ampanokafana ny fivoriana, ka nanome fankasitrahana tamin'ireo ezaka maro nataon'ny Zandarimaria sy toromarika mba hanoahizana ireo ezaka efa vita. Tomban'ezaka vita araka ireo tondrozotra



Fivoriana tamin'ny alalan'ny visioconférence, nataon'ireo tompon'andraikitra ao amin'ny Zandarimariam-pirenena.

nomena nandritra ny taona 2020 sy tondrozotra ary toromarika vaovao ho tanterahina no votoatin'ny fivoriana. Loha-hevitra folo no nibahana nandritra fivoriana, ka anisan'izany ny:

- Maha-matihanina;
- Ady amin'ny tsy fandiampahalemana (Halatr' omby, asan-jiolahy, zava-mahadomelina, mpimasin-dahalo...);
- Fandrindran'asa ma-

homby mipaka amin'ny vahoaka;

- Lentan'ny fiofanana sy mari-pahaizana;
- Sitrika famporisihana ireo mpanatanteraka antsehatra;
- Fitantanana arak'asa ireo olom-pehezina;
- Ady amin'ny fiparitahan'ny fitaovam-piadiana;
- ...


Nandray anjara mavitrika avokoa ireo mpizaika nahitana ireo tale eo ani-

von'ny SEG sy COMGN, ireo Komandin'ireo Sekoly, sy ireo Komandin'ny CIRGN ary ny Groupements. Maro ireo tombontsoa sy antony tsapa tamin'ny fampiasana ny "visioconférence": fitsitsiana fotoana, fampiharana ny fepetra manoloana ny ady amin'ny fiparitahan'ny coronavirus...

Niaina

Miaramila sy fanohanana

Hihemotra ny fanadinana hidirana amin'ny SEMIPI Fianarantsoa



Ny eo amin'ny vavahady fidirana any amin'ny SEMIPI Fianarantsoa.

Hihemotra ihany koa ny fanadinana hidirana any amin'ny SEMIPI, na ny Sekoly Miaramilam-Pirenena any Fianarantsoa. Noho ny fihemoran'ny daty hanatanterahana ny fanadinana BEPC dia nisy fanitsiana ihany koa ny fifaninanana hidirana ao amin'ny SEMIPI (Sekoly Miaramilam-pirenena) ao Fianarantsoa:

- Fampivondronana: Alatsinainy 28 Septambra.
- Fizaham-pahasalamana: Talata 29 Septambra.
- Hazakazaka 100M sy

1000M : Alakamisy 1 sy Zoma 2 Oktobra.

- Adina psykôtechnika (Sampana teknika ihany) : Alatsinainy 5 Oktobra.
- Adina an-tsoratra : Talata 6 sy Alarobia 7 Oktobra.
- Fivoriana famaranana : Alakamisy 8 Oktobra.
- Tsy miova kosa ny daty farany fanaterana ny antotan-taratasy fa ny faha 4 Septambra 2020 amin'ny 5 ora hariva ihany, araka ny fanamarihan'ny Minisiteran'ny Fiarovam-pirenena.

Aly

Taorian'ny fihibohana

An-jatony ireo vehivavy tonga teny amin'i Jessica

Dimy volana lasa izay dia marobe ireo vehivavy tonga teny amin'i Jessica mpitsabo eny Mandrosoa Ivato. Tao ireo vehivavy tsy nahazo zaza hatramin'izay, tao ireo tsy nety nahazo zaza mihitsy, tao ireo mba niteraka ihany fa tsy salama sy marofy lava, fa teo ihany koa anefa ireo tsy nety niteraka mihitsy, sns... Santionany ireo, fa ny tena nahatalanjona dia ireo vehivavy nilaza fa tsy nety nahazo zaza mihitsy, ka raha tsy tao amin' Jessica dia tsy nety niteraka mihitsy. Tao aza ireo vehivavy nilaza fa isaky ny miteraka izy dia na tsy azo ny zaza, na sampona ihany koa. Santionany ireo, fa ny tena olana dia nisy tamin'ireo vehivavy tonga tao aminy no nilaza fa tsy nety niteraka mihitsy nefa nahazo zaza rehefa nokarakarain'i Jessica mpitsabo. Nijoro vavolombelona ireo olona ireo ary nilaza fa raha tsy tonga teny amin'i Jessica mpitsabo dia tsy nivaha ny olana ary tsy nahazo zaza mihitsy raha tsy nokarakarain'ity mpitsabo ity. Tamin'ny gazety hoy izy ireo no nahitany ny nomerao **03387 395 41**, ka rehefa tonga teny aminy izahay dia nokarakarainy ary nivaha ny olana. Ity vehivavy iray ity aza dia nilaza mihitsy fa tsy ny fahazoana zaza ihany no zava-dehibe taminy, fa nisy resaka mosavy ihany koa no nahazo azy, ka sady nahazo zaza izy no natsaboain'ity mpitsabo ity ihany koa. Niaiky izy ireo fa zava-dehibe ho azy ny fanatonany teny amin'ity mpitsabo ity ary mbola nanentanany ireo manana olana ara-piterahana sy ireo vehivavy momba ihany koa.

Ny Akama

Akon'ny fanadinana CEPE

Nampisakafo ireo mpiadina ireo ben'ny tanàna TIM

Tontosa ny talata 1 Septambra teo ny fanadinana Cepe sy ny fanadinana hidirana, ho kilasy fahenina any amin'ny sekolimpanjakana, ho an'ny faritanin'Antananarivo sy Antsiranana. Efa vava latsaka ny an'Ingahy Filoha ny hoe tanterahina ny 1 Septambra ny fanadinana dia voatery tsy afaninemotra ny ministara mpiahy, na dia hita aza fa tsy feno ny fepetra niatrehana ny fanadinana, zara raha nahavita ny antsasakin'ny taom-pianarana ny anka-beazan'ny mpianatra, ary mampiomahy fa ny nampiarahana ny fanadinana ho an'ireo faritany roa nampiarahina dia tsy fepetra ara-panabeazana, fa toa natao araka ny filaharan'ny abd, tsy nitovy ny fiantrehana'Antananarivo sy Antsiranana ny valan'aretina, ny an'i Fianarantsoa sy Mahajanga ary ny an'i Toamasina sy Toliary, koa miaina ao anatin'ny fahasahiranana tanteraka ny ray amandreny, kanefa dia tsy maintsy nandefa ny zanany niatrika fanadinana, ny eo amin'ny enti-manana no tiana hampara. Nahatsapa ny fahasahiranambahoaka ny Ben'ny tanànan'Ampitafika Rado Ramparaoelina sy ny Ben'ny tanànan'Alasora Randrianisoa Jimmy, izay samy voafidy tamin'ny antoko TIM, ka nanome sakafo ara-pahasalamana ireo mpiatrika fanadinana Cepe, fihetsika mahate-hidera ny nataon'ireo Ben'ny tanàna roalahy ireo. Mendrika ho tahafin'ny rehetra izao fihetsika mampiseho fitiavan-tanindrazana izao satria ny ben'ny Tanàna dia natao hanampy ny mponina ao amin'ny kaomina nahavoafidy azy, fa tsy sanatria handrava ny tsenan'ny mpiray tanàna.

Ny Valosoa

